

墨、一名纜魚、每遇大風遠岸則軒前一鬚爲刃、近岸則黏前一鬚爲纜、癸辛雜識續集曰、世號墨魚爲烏賊、何爲獨得賊名、蓋其腹中之墨可寫爲契券、宛然如新、過半年則淡然如無字、故狡者專以此爲騙詐之謀、故諡曰賊云、閩書曰、烏鰐一名墨魚、一名纜魚、大者名花枝、又名海若、白事小吏、又名河伯從事、岫乾者閩浙謂之明府、其骨曰海螵蛸、閩小記曰、墨魚一名算袋魚、閩人名之花枝、嶺南雜紀曰、墨魚海豐名鯽魚、較他產脆美、正字通曰、一名黑魚、酉陽雜俎曰、舊說名河伯從事小吏、古今注曰、一名河伯度事小吏、事物異名曰、一名河伯、一名俞勦、毛勝水族加恩簿曰、甘盤校尉烏賊名盤、吐墨自衛白事有聲、宜授嘆墨將軍、

〔本朝食鑑〕九江海無鱗鳥賊魚加訓伊

釋名烏鰐源順曰、烏賊並從魚作鰐、鰐、鰐亦作鰐、時珍曰、羅願爾雅翼云、九月寒烏入水上飛、烏化爲此魚、有文而啄之、乃卷取入水而食之、因名烏賊、言爲烏之賊害也、或曰、此魚水中逐小魚、小魚走不能捕之、乍出腹中之黑汁、令水濁黑、則小魚昏迷不動、因食之、故曰烏賊、諸說未詳、

集解江海處處每采之、自春二三月至秋七八月最多、冬月亦尚有矣、形如小囊、口在腹下、足上、眼在口上、八足聚繞口之旁、其八足交腿之中間、有白皮包雙黑骨、如菱實之小、或似小烏小鳶、故俗號鳶烏、略與章魚同、有白鬚長過尺、全體俱著淡黑薄皮、皮上有斑肉、白如銀、味甚淡美、背上有一甲骨、狀如兒戲之小舟、又似箬葉、外如鮫皮之白沙、內似刮燒鹽之塊、重重有紋、即是海螵蛸也、烏賊腹有黑汁而如墨淋、古人所謂烏賊之血味亦美也、常嘆腹墨令水溷黑、自衛以防人害、然漁人識而網采、漁童尖利竹梢、自岸上窺而刺之、又鰐好食小鯷及蛤蝦、故作餌而釣之、一種有泥障烏賊者、腹背如障泥、比常之烏賊則稍廣大、而肉軟味亦勝美、

肉氣味甘鹹平無毒、主治益胃補肝、通婦人月經、療小兒雀目、今俗所謂性溫動熱、患諸瘡之人、固禁不食、是有所試歟、有所據歟、未詳、若謂動風氣則吳瑞日用之說也、

骨即海螺蛸也、氣味鹹微溫無毒、惡白及白歛附子、主治瘡癩、少腹痛、眼翳流淚、前陰痛腫、五淋、小